

Maman!



Projet promovût di 'Il Friuli' e 'ARLeF'

LIS AVENTURIS DI VIGJI E LUMI

LAVEBLANCJARIE
ELETRODOMESTIC
PAR LAVÂ
I VISTÏTS

CJÂR DIARI,

taie taie! Messede messede! Zonte di ca, gjave di là! Ce che al ven fûr no si sa! Inte mê cjasute o soi une coghe cuntun cjapiel blu che al tocje il sufît. Fûr a son arbui cun stelis e cun fueis di mil colôrs che cu lis mê s çatutis o rivi a tocjâ. Tuche tuche! Cjale cjale! Copie di ca, incole di là! Ce che al ven fûr no si sa! Inte mê cjasute o soi une impleade cuntun pâr di ocjai ros e une cjadree che mi fâs zirâ. Devant di me un schermi là che o pues viodi ce che nol è ca. Nete nete! Resente resente! Un pôc di

savon di ca, un pocje di aghe di là! Ce che al ven fûr no si sa!

Inte mê cjasute o soi une massarie cuntun grumâl cui butui di rose e cuntune pile di vistÏts di lavâ.

Sot di me une **laveblancjarie** cun mil botons di fracâ e mil savons di doprâ.

Joi, o soi strache madure! Cumò che o ai zuiât cussì tant, al è rivât il moment di...

Ronfe ronfe! File file! Siere il voglut di ca, siere il voglut di là! E je ore di nanâ! Une bussade, Lumi



Dissen di Alessia di Blancjade



LU SAVEVISO CHE...?

■ Lu saveviso che cui che di mistîr al fâs il colaudadôr di materàs, al prove la comoditât dai materàs?! Lu saveviso che al esist il mistîr di nasadôr di façolets di cjarte, o ben la persone che e à di sigurâsi che i façolets di nàs a vedin un bon profumo?!



www.tuttopefagi.it

Maman! al cambie orari: fin vinar ai 29 di Març al larà in onde ogni

telefriuli



vinars aes 5.00 sot sere


Tant par ridi

INDUVINE INDUVINEL CUI ISAL CHEL?

Te sò buteghe a son tancj colôrs, e ancje tancj bogns odôrs;

nol pese nuie, al à di contâ: li di lui tantis maraveis si puedin cjalâ!

Soluzion: il florist



IL CJANTON DE CJANÇON

LAVÔRS

(Peraulis di Daria Miani; musiche di Flaviano Miani)



Al fâs pan il brâf pancôr,
al è blanc il so colôr,
al è blanc cu la farine,
al jeve adore la matine.

Neri neri il spacecamin,
simpri sporc di tant cjalin,
plene plene di colôrs
e je la tute dai pitôrs.


Rit. Che al sedi il mechanic,
che al sedi il pitôr,
cuâl isal par te il plui biel lavôr?
Cogo, impleât o pûr insegnant?

Ce vuelistu fâ
cuant che tu saràs grant?

Piçule cerce de cjançon "Lavôrs". O podês scoltâle dute te pontade di Maman! di cheste setemane su Telefriuli.

ZÛCS

Coleghe cuntune frece ogni personaç ai imprescj che al dopre pal so mistîr.



Soluzion: 1C, 2D, 3A, 4B

Pagine curade di Daria Miani e dal Sportel Regionâl pe Lenghe Furlane de ARLeF

ARLeF
AGENZIE
REGIONÂL
PE LENGHE
FURLANE